

Analizo de la "Unua provizora raporto" pri la platformo de la Konferenco pri la estonteco de Eŭropo, (aŭgusto 2021)


Pierre Dieumegard (*kun kontribuo de Klaus Leith*)

Ekde aprilo 2021 eŭropuniaj civitanoj eblas partopreni la civitanan konsulton de la "Konferenco pri la estonteco de Eŭropo" kaj per propraj proponoj, kaj per voĉdonado kaj komentado de ekzistantaj proponoj. Tiucele la Konferenco starigis platformon uzeblan en ĉiuj 24 oficialaj lingvoj de EU.


"Provizora raporto" publikigita de la Konferenco (vidu <https://futureu.europa.eu/pages/reporting>, tie alklaku "Unua provizora raporto pri la platformo" je la fino de la teksto) informas pri la uzo de la platformo kaj analizas ĝin, listigante kelkajn proponojn laŭ la naŭ temaroj de la Konferenco.

Kiu partoprenis ĝis nun?

En la ĉisubaj bildoj, ni vidas ke loĝantoj de iuj landoj partoprenis pli ol loĝantoj de aliaj landoj (tamen 27% de partoprenintoj ne deklaris iun landon). Iĉoj (62,7%) estas pli nombraj ol inoj (15%), sed multaj (22%) ne skribis sian sekson.




Nombroj de kontribuoj (ideoj + komentoj + eventoj) en unu miliono da loĝantoj




Nombro da kontribuoj (ideoj+komentoj+eventoj) laŭ landoj

Ĉiuj aĝgrupoj partoprenis, eĉ se la plej aktiva estis inter 25 kaj 39 jaroj.

Aĝo de partoprenantoj



Kiuj temoj plej interesis eŭropanojn?



Raportaj resumoj

Post tre ĝenerala resumo, kie troviĝas jena frazo: *"sugesto de komuna lingvo unuiga estas larĝe trovebla en la tuto de la retejo en diversaj temoj"*, la raporto resume analizas la proponojn en la platformo laŭ la naŭ konferencaj temaroj. La redaktintoj prilaboris la datumojn de la retejo ĝis la 2a de aŭgusto 2021.

Resumo de la temaro "Eŭropa demokratio"

En la paragrafo "Lingvoj kaj promocio de eŭropa spirito":

"Multaj partoprenantoj diskutas pri ideo elekti komunan lingvon por ke la civitanoj de tuta EU interkomuniku kaj pli bone komprenu reciproke (vidu ekzemple tiun ideon¹), ankaŭ pri propono celanta fari Esperanton unuiga lingvo (vidu ekzemple tiun ideon²). Tiuj du proponoj vekigas malsimilajn opiniojn, ĉu jes, ĉu ne, en la komentoj. Iuj partoprenantoj petas ankaŭ ke multlingveco estu pli bone respektata (vidu ekzemple tiun ideon³)."

Resumo de la temaro "Edukado, kulturo, junularo kaj sporto"

En la paragrafo "Promocii komunan eŭropan identecon":

"La estigo de komuna eŭropa lingvo estas konsiderata kiel ilo por eŭropa integriĝo, laŭ multaj partoprenantoj (vidu ekzemple tiun ideon⁴). La diskuto estas pri diversaj avantaĝoj kaj malavantaĝoj de iu komuna eŭropa lingvo, kaj pri la diversaj eblaj lingvoj, inter kiuj Esperanto, la latina (vidu ekzemple tiun ideon⁵) aŭ la angla (vidu ekzemple tiun ideon⁶)."

-
- 1 <https://futureu.europa.eu/processes/Democracy/f/6/proposals/43>: "Ni bezonas komunan eŭropan lingvon" (proponinto Christian Ciavatta), ne proponas iun specifan lingvon.
 - 2 <https://futureu.europa.eu/processes/Democracy/f/6/proposals/1304>: "Unu lingvo por la Eŭropa Unio" (proponinto Marco Tuttolomondo), pledas por Esperanto.
 - 3 <https://futureu.europa.eu/processes/Democracy/f/6/proposals/15976>: "Kontraŭbatali nur anglalingvan publikadon de EU" (proponinto Pierre Dieumegard), pledas por Esperanto.
 - 4 <https://futureu.europa.eu/processes/Education/f/36/proposals/9279>: "Esperanto kiel unua fremda lingvo" (proponinto Kerstin Brunner-Wenusch).
 - 5 <https://futureu.europa.eu/processes/Education/f/36/proposals/484>: "Promocii la latinan en eŭropaj lernejoj" (proponint Rodrigo Arévalo).
 - 6 <http://futureu.europa.eu/processes/Education/f/36/proposals/998>: "Fari la anglan dua oficiala lingvo ene de EU" (proponinto Valter Freitas).

Listoj de proponoj en la anekso

En la anekso al la raporto troviĝas listoj

- ◆ de la **kvin** proponoj kun la plej granda nombro de **apogantoj** en ĉiu temaro kaj
- ◆ de la **kvin** proponoj kun la plej granda nombro de **komentoj** en ĉiu temaro.

Proponoj en la temaro Eŭropa demokratio

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo):

plej multnombre apogitaj	—
plej multnombre komentitaj	<p>1. "komuna lingvo" https://futureu.europa.eu/processes/Democracy/f/6/proposals/43: "Ni bezonas komunan eŭropan lingvon" (proponinto Christian Ciavatta), ne proponas iun specifan lingvon</p> <p>5. Esperanto https://futureu.europa.eu/processes/Democracy/f/6/proposals/1997: "La eŭropa demokratio komencas per komuna lingvo: Esperanto" (proponinto Blandine Cattier)</p>

Proponoj en la temaro Edukado

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo):

plej multnombre apogitaj	<p>3. Esperanto https://futureu.europa.eu/processes/Education/f/36/proposals/23893: "EU bezonas plibonigitan lingvolernadon" (proponinto Seán Ó Riain), pledas por esperantlingva "Multlingva akcelilo"</p> <p>5. Esperanto https://futureu.europa.eu/processes/Education/f/36/proposals/260: "Lingvoinstruado en Eŭropo" (proponinto: Thomas Hufkens), pledas por Esperanto kiel dua lingvo en ĉiuj lernejoj</p>
plej multnombre komentitaj	<p>1. Esperanto https://futureu.europa.eu/processes/Education/f/36/proposals/23893: "EU bezonas plibonigitan lingvolernadon" (proponinto Seán Ó Riain), pledas por esperantlingva "Multlingva akcelilo"</p> <p>2. Esperanto https://futureu.europa.eu/processes/Education/f/36/proposals/260: "Lingvoinstruado en Eŭropo" (proponinto: Thomas Hufkens), pledas por Esperanto kiel dua lingvo en ĉiuj lernejoj</p> <p>4. latina https://futureu.europa.eu/processes/Education/f/36/proposals/484: "Promocii la latinan en eŭropaj lernejoj" (proponint Rodrigo Arévalo); emfazas ke la latina estas grava parto de eŭropa kulturo</p> <p>5. Esperanto https://futureu.europa.eu/processes/Education/f/36/proposals/1536: "Esperanto – internacia helplingo" (proponinto Paolo Pellegrino)</p>

Proponoj en la temaro Ekonomio

Proponoj rilate al etnolingvoj **aŭ** Esperanto menciitaj en la anekso pri ĉi tiu temaro (kun indiko de la pozicio en la listo):

plej multnombre apogitaj	—
plej multnombre komentitaj	4. angla https://futureu.europa.eu/processes/Economy/f/10/proposals/455 : "Propono por anglaj urboj en Eŭropo" [kie oni uzas la anglan] (proponinto Afreen Hussain)

Rimarkoj

- "Pliaj ideoj"

Ideoj proponitaj en la kategorio "Pliaj ideoj" de la konsulta platformo ne aperas en ĉi tiu raporto. Tiu kategorio enhavas plurajn por-esperantajn proponojn, kelkaj el ili kun grandnombra apogo (ekz. "Esperanto, komuna neŭtrala lingvo, konceptita por esti facile lernebla"⁷ kaj "Oficiala agnosko de Esperanto kiel unu en la lingvoj de EU-civitanoj"⁸ kun po pli ol 200 apogantoj je la komenco de septembro; ili estis la du plej apogitaj proponoj sub "Pliaj ideoj").

Ĉar la kategorio "Pliaj ideoj" ne estas propra temaro, sed kolektejo de ideoj, kiujn la proponintoj ne povis aŭ volis meti en iun specifan temaron, ne ekzistas iu civitana panelo, kiu pritraktos tiujn proponojn kiel kategorion. La Komuna Sekretariato de la Konferenco disigos ilin al specifaj paneloj laŭ enhava analizo de la proponita ideo (paĝo 5 de la raporto). Ili tute ne estas traktataj en la provizora raporto, ĉar ne jam disigitaj al aliaj temaroj.

- Komentado

La raporto listigas multnombre komentitajn proponojn. Inter ili estas proponoj, kiujn komentas nur malmultaj partoprenantoj, sed intense (ekzemple "propono por anglaj urboj en Eŭropo"⁹).

- Kriterioj por listigo

La kriterioj de listigo en la raporto ne estas evidentaj. Ekzemple, en la temo "Eŭropa demokratio", estas menciita "*Iuj proponoj petas ke estu nur unu kontaktpersono por la tuta EU, kiu parolos unuvoĉe en eksteraj rilatoj (vidu ekzemple [tiun ideon](#)¹⁰).*" Tamen tiu ideo havis nur unu aprobon, kaj neniun komenton.

Konkludo

Ne malbona raporto, eĉ se eblus pli bona

Ĉefe bedaŭrinda estas la nekonsidero de la kategorio "Pliaj ideoj", kiu malvidebligas inter alie por-esperantajn proponojn en la platforma raporto.

En la resumo, estas nur skribita "*sugesto de komuna lingvo unuiga estas larĝe trovebla en la tuto de la retejo en diversaj temoj*": tio ne estas preciza, kaj feliĉe estas pli da precizigoj en la sekvo de la raporto.

⁷ <https://futureu.europa.eu/processes/OtherIdeas/f/8/proposals/5399>: "Esperanto, komuna kaj neŭtrala lingvo, konceptita por facila lernado. Nova ilo por pli unuiĝinta Eŭropa Unio" (proponinto Enrique Hinojosa de Guzmán Alonso).

⁸ <https://futureu.europa.eu/processes/OtherIdeas/f/8/proposals/17955>: "Oficiala agnosko de Esperanto kiel lingvo de EU-civitanoj" (proponinto Louis v. Wunsch-Rolshoven).

⁹ <https://futureu.europa.eu/processes/Economy/f/10/proposals/455>: "Propono por anglaj urboj en Eŭropo" [kie oni uzas la anglan] (proponinto Afreen Hussain); diskutas ĉefe la proponinto kaj unu kontraŭulo, kaj intervenis nur tri aliaj komentantoj.

¹⁰ <https://futureu.europa.eu/processes/Democracy/f/6/proposals/60689>: "Ununura kontaktpersono de EU eksteren" (proponinto EUROPE DIRECT Vorarlberg).